



**Philippi Ecclesiæ Eystettensis XXXIX. Episcopi. De  
Eivsdem Ecclesiæ Divis Tvtelaribvs. S. Richardo. S.  
Willibaldo. S. Wvnibaldo. S. Walpvrga. Commentarius  
nunc primum evulgatus**

**Philip *<Eichstätt, Bischof>***

**Ingolstadii, 1617**

X. Standarchus.

---

[urn:nbn:de:hbz:466:1-70477](#)

Caluinianum, cui sit eadem liberalitas & pietas? Frisingensi Episcopo, bona qua abrepta fuerant, reddit. O rem miri, quin & inauditi in schola Lutherana & Caluiniana exempli. Sectarij nostri non modò multa Episcoporum bona, sed & integros Episcopatus inuaserunt. Quis vel vnicam cogitatiunculam de restitutio-  
ne suscipit?

Episcopos, Monachos, Sacerdotes, rursus intra metas disciplinæ retrahit; quia nimis populariter in istis rerū omnium turbationibus viuere didicerant. Nec hoc Lutheranum, aut Caluinianum est; quia quō Sacerdotes & Monachi sunt dissolutiores & flagitosiores, eō Quintieuan-gelicæ rei melius prospectum est, cuius tales sunt se-minarium. Hæc haec tenus occasione Synodi Dingel-singensis, ad quam Vdalfridus Episcopus legatos suos alegauit.

## X. Starchandus.

*Ex in Starchandus regit Ecclesiam venerandus:*

Et quidē tempore satis longo, nempe annis XXXI. ut habet Gundackerus; Bruschianus Catalogus XXXII. anno tribuit; occisus est ab Vngaris pugnā commissā in Campo Lyci (auff dem Lechfeld) cui etiam S. Vdalricus Episcopus Augustanus interfuit, qui mortuum Starchandum ipse met Eichstadium ad sepulturam reuexit. Sanctus autem Vdalricus Eichstadio discedens cum ad veterem fagum, in monte Australi hodie q̄stantem, venisset, inquit *Anonymus*, versa facie ad templum ciuitatis Aichstadianæ, sic exclamasse fertur. Vale *Villibalde* vir sanctissime, vale: Ego omnium mortalium mihi charissimum iam prope te deposui ac sepelinus; iccirco ad tuam istam urbem post hac venire amplius animus mihi non est: viue igitur & aeternum vale.

Hh 2 Cate-

Caterum imperfectio Starckandi incidit in III.  
Idus, hoc est, in XI. diem Februarij, anno DCCCC.  
LXV. ad quem, ut & ad alios quosdam Germaniae E-  
piscopos Epistolam dedit Leo VII. Papa, cuius me-  
minit Aventinus lib. 4. Exstat iam ad finem Chronic  
Reicherspergensis inter diplomata que eidem Chro-  
nico attexuit vir clarissimus *Christophorus Geuoldus*, I.  
V. D. & Consiliarius Bauaricus. Interfuit Starckhan-  
dus cum S. Vdalrico Synodo Ingelheimensi anno Do-  
mini DCCCC. XLVIII. celebratae, ut scribit Fro-  
doardus in suo Chronico.

De Erchanbaldo & Starckando simul, hæc Ano-  
nymus Hasenrietanus. *Hic Sacerdos magnus, eiusq; suc-  
cessor Starckandus, quales quantiq; Episcopi fuerint in vita,  
quam periti & studiosi in divina scriptura, optimorum, quos  
sicer iusserunt, librorum, usque hodie testatur multitudo co-  
piosa. Vnde & memoria eorum non derelinquetur in secula.*

Impetravit Starckhandus ab Othono Magno Di-  
ploma, quo Heidenheimium, olim Monasterium à  
S. Wunibaldo conditum, tunc autem Canonicorum  
Collegium, in suam protectionem recepit. Diploma-  
tis ex vitorio exemplari exscripti, hæc sunt verba.

*In nomine sancte & individua Trinitatis. Otto divina  
ordinante clementia Rex, generali Collegio Clericorum  
que fidelium presentium, nec non futurorum notum esse de-  
sideramus, qualiter Venerandus Starckandus Eystettenensis Ec-  
clesie Episcopus, & Bruno carissimus frater noster, regalitatem  
nostræ supplicando adierunt eminentiam, quatenus locum  
Heidenheimi nuncupatum, in pago Sualaueldensi situm, in  
comitatu Erunsti, ubi egregius Dei confessor VVinebaldus  
corporaliter requiescit, qui ad præfatum Eystettense respicit  
Episcopium, in nostra defensionis emunitatem suscipere di-*

gnare.

gnaremur, quorum utriusq; petitioni maximè pro amore di-  
uino; & nostrinostrorum antecessorum remedio, libenter sa-  
tisfecimus, & inde hoc iussimus præsens conscribi preceptum,  
per quod volumus & firmiter regali sceptro iubemus, ut nul-  
lus publicus index, ne quilibet ex iudicaria potestate, seu ali-  
quis fidelium nostrorum, cuiuscunque sit ordinis vel persone  
in eodem loco vel adiacentibus suis, quo cunq; modo augmen-  
tentur Ecclesias, aut in locis & agris seu cateris possessionibus  
ad memoratum locum pertinentibus, habeat ius ad causas au-  
diendas, vel feuda exigenda vel mansiones, vel paratas fa-  
ciendas sive tollendas, nec ipsius loci liberos & seruos iniuste  
distringendos, aut quaslibet redditiones & occasiones illicitas  
requirendas, aut parafredas, seu aliquas occasiones iniustas  
unquam agere præsumat, sed idem locum cum omnibus perti-  
nentiis suis sub nostra tuitionis emunitate perpetualiter quie-  
tus subsistat; & ut hac liberalitas nostra auctoritas firmio-  
rem perenniter habeat vigorem, hanc præceptalem chartam  
inde conscriptam manu propriaroboramus, annulique nostri  
impressione iussimus sigillari. Hactenus Diploma.

Ad extremum omitti non debet, vocabulum  
Starckhandus, putè esse Germanicum, Starckhandi  
quasi dicas; Fortimanus. Olim quoque à manibus data  
sunt nomina: ut Longimanus, Rex Persarum à longis  
manibus.

## XI. Reginoldus.

*Musicus inde locum Reginoldus rexit eundem.*

De quo Bruschianus Catalogus. Reginoldus vir doctissi-  
mus, trium linguarum egregiè peritus, Musicus eximus, tri-  
bus Othonibus Imperatoribus longè charissimus, à quibus  
multa insignia priuilegia consecutus est. Eligitur in Episco-  
pum Aichstadianum, post mortem Starchandi. Praefuit lau-

Hh 3

dabi-

To grec *το χρυσόν*